

chok 爆的外型,包裹住有趣的灵魂,係邓智伟俾 Color 君最大的感觉。你可能对佢的名字冇咩印象,其实好多人耳熟能详的粤语歌,都係出自佢之手。佢之前一直帮人作歌,最近就以“乐坛新人”的姿态从幕后唱到台前,仲举行咗自己的音乐会,等我哋一齐嚟认识一下“歌手新仔”邓智伟啦。

郭玮/文 受访者提供、秦丽莹/图

音乐有“平行记忆”

听到《幼稚未完》的时候,大家会论起《黑金风暴》入面的情景;唱《连续剧》时,会想念同你一齐煲剧的老友;《别怪她》前奏响起,因为太多人唱过,你诶唔起边个係原唱,但就係会跟住唱……呢啲邓智伟创作的音乐作品,用音符记录咗好多人的回忆。邓智伟话,无论係集 OOTD 定係单曲,都可以係独立的个体,每个人听歌时候的经历唔同,属于你的记忆就会独一无二,所以佢就将个音乐会主题叫做“平行回忆”,希望大家喺他唱的作品中,搵到属于自己的故事。

智伟帮好多歌手、艺人制作过音乐,亦参与过大大细细的舞台制作,轮到自己的 solo,当然会更加用心。佢精心准备的歌单中,传递咗创作时心路历程的好多 message,希望大家喺听 show 的时候可以 get 到。演出走过好几个城市,最令佢感动的,就係上海站的舞台——去到非粤语地区,佢可以收获到全场大合唱的情景,係佢始料未及的;仲有王祖蓝突然空降撑场,令佢非常感动。

邓智伟 从幕后唱到台前



代表作《幼稚完》

由帮人作歌到自己出嚟唱歌,邓智伟话,希望自己的 show,可以俾大家见到每只作品最原始的样貌:“其实每只歌的 demo 都係我唱嚟,我想俾大家见到佢哋啱‘出世’的模样。”要搵出最满意的作品? 智伟即刻自信表示,首首都好满意哦,因为“音乐唔係运动,冇得比较嘅”。喺智伟眼中,音乐係无分好坏的,每个听众喜欢的 style 都唔同,有人觉得沙哑的“烟嗓”好正,有人中意听清晰明朗的声音。如果一定要挑出最能代表自己的一首曲目,智伟就话会拣《幼稚完》,因为呢首作品係在自己的低谷期创作,当作品出街、被大家认可的时候,智伟感动到噉湿枕头,真系高兴到攞奖嘅。

做紧最想做的事

邓智伟被人赞为“TVB 史上最年轻的音乐总监”,其实,佢儿时的梦想并不是音乐,係因为机缘巧合才开始往音乐方面发展。16 岁开始,智伟梦想要开自己的音乐会,嚟到处开 show 的日子里,佢日日都过得开开心,因为音乐就係佢自己最想做的事。除了音乐,邓智伟仲有好多人意想不到的兴趣,例如,佢对煮野食的综艺节目、做情感博主或者栋笃笑表演,都非常感兴趣。佢解释话:有时候佢都会想放低自己的专业,等大家睇到佢的另一面。未来的日子,邓智伟会坚持追梦,继续用自己的音乐,为大家创造更多音乐回忆。



美好人生 要自己打拼

吴若希

去年年底, Jinny 吴若希开启咗自己的首次巡回音乐会“初·遇”。正如音乐会的主题,呢次係佢同各地歌迷的初次见面,更係佢从未试过的个人舞台。已经係两个小朋友妈咪的 Jinny,一直努力打拼事业,为的就係帮小朋友做个榜样,话俾佢哋知:拥有自己的人生,先会有更美好的生活。

郭玮/文 受访者提供/图



感恩被爱包围

吴若希的音乐会,都会设置一个“爱我请留言”的信箱,俾歌迷投放自己想对佢说的话。每次读到有爱的信件,见到从各地特意赶来支持佢的朋友, Jinny 都会好感动。因为想唱的歌实在太多啦, Jinny 每次的舞台都觉得未唱够,于是在每一站的演出, Jinny 会喺歌单度加入一啲唔同的作品。前段时间,佢在佛山站开音乐会,丈夫都登嚟支持佢, Jinny 在舞台上时不时同丈夫隔空互动:“何生你哋边度啊? 我都睇你唔到!”呢一波啱思爱好 sweet,羨煞旁人。唱歌唱到动情时,佢会感慨曾经的遇人不淑,感恩依家为佢戴上戒指的另一半——又是猝不及防的示爱,台下的观众都觉得被暖到入心。就係咁样,“初·遇”音乐会被满满的爱包围着, Jinny 将佢视为 2022 年最大的收获之一。

因为爱而努力

吴若希话,见到自己小朋友的笑容,任何烦恼都会被治愈,小朋友亦係自己打拼事业的动力。 Jinny 有咗自己的家庭之后,一直冇停下自己的工作,中意唱歌就开 show,喜欢拍戏就去积极尝试。去年,佢只身去到内地,投入到《香港人在北京》的拍摄中,唔单止识到新朋友,成个拍摄过程都好开心,佢觉得拓宽咗自己的视野,全程佢都好 enjoy。一直努力奔跑的 Jinny 话,自己要成为小朋友的榜样,希望小朋友明白,每个人都要有自己的人生,自己中意嘅嘢要自己努力追求,咁样生活先会更加美好。喺呢次采访中, Jinny 除咗感谢一直支持自己的歌迷粉丝,仲要多谢坚持营业的自己,而未来的日子亦会继续努力。佢帮自己打咗个 call:“加油啊,吴若希,未来的日子继续辛苦你啦!”



新作会“不一样”

讲到今年的计划,吴若希都 mark 咗好几个目标。佢希望可以去到更多地方演出,认识更多的朋友、体验各种新生活;佢仲特别想同音乐人合作,走出街头玩下 busking 咁哦。相信大家都好期待的就是, Jinny 透露有一啲新作品已经准备就绪,会陆续出街同大家见面;有一首黑暗系单曲,係一个自己都未尝试过的新颖情歌,感觉好新鲜;《旁观者》的主题曲又会係另一种风格,希望大家听完会得到启发,发现不一样的自己。睇嚟,今年吴若希会带不少的惊喜俾我哋,大家同 Color 君一起期待唔一样的吴若希啦!

